


Виктор

СУМИН

СУМІН
САБУРГІНІМ

СУБХІДАМ





Республика Маънавият ва
маърифат маркази

Виктор СУМИН

СЎНГГИ ВА БИРИНЧИ СУБҲИДАМ

(Афсонавий разведкачи
Баҳром Иброҳимов ҳақида роман)

Ғафур Ғулом номидаги нашриёт-матбаа ижодий уйи
Тошкент – 2018

УДК 821.512.133

КБК 84 (5 Ў) 6

Рус тилидан Ёзувчилар уюшмаси аъзоси,
Ўзбекистонда хизмат кўрсатган маданият ходими
Янгибай ҚЎЧКОРОВ таржимаси

Сумин, В.

Сўнгти ва биринчи субҳидам. Роман. – Тошкент: Faafur
Ғулом номидаги нашриёт-матбаа ижодий уйи, 2018. – 200 б


Ушбу романга афсонавий ўзбек разведкачиси Баҳром Иброҳимовнинг таржимаи холи асос қилиб олинган ва муаллиф асарни ёзиш жараёнида Ўзбекистон давлат хавфсизлик хизмати архиви ва мамлакатимизнинг бошқа ташкилотларидан олинган маълумотлар ҳамда республика давлат хавфсизлик хизмати фахрийларининг хотираларига таяниб, воқеаларни хаёт ҳақиқатига вобаста тарзда юксак бадиий маҳорат билан тасвирлаган.

Китоб биринчи навбатда ёшларга ва кенг ўқувчилар оммасига мўлжалланган.

УДК 821.512.133

КБК 84 (5 Ў) 6

© Виктор Сумин,
© Гафур Ғулом номидаги
нашриёт-матбаа ижодий
уий, 2018



ЎЗБЕКИСТОН ДАВЛАТ ХАВФСИЗЛИК ХИЗМАТИНИНГ АРХИВ ҲУЖЖАТЛАРИГА ҚИСҚАЧА ШАРХ

Бахром Иброҳимов 1908 йилнинг 5 майида Сармарқанд (хозирги Жиззах) вилоятининг Бахмал туманида туғилди. Ота-онасидан эрта айрилгани туфайли болалар уйида тарбияланган. Умумтаълим мактабини намунали битиргач, Боку шаҳрига юборилиб, олий таълимни ўша ерда олди.

Асаримиз қаҳрамони 1932 йилдан 1955 йилгacha хавфсизлик муассасалари томонидан хорижда амалга оширилган муҳим разведка ишларида бекиёс хизмат кўрсатди.

1932 йилнинг декабрида Баҳром Иброҳимов қўшни давлатлардан биридаги миллатчи муҳожирлар ташкилотига ва хорижий разведка хизматлари муассасаларига кириб олди. Айнан унинг кўмагида япон милитаристларининг Мўғулистон ва Шинжон (XXР) орқали Шўролар иттифоқига тажовуз қилиш борасидаги режава ниятлари аниқланди, бир катор япон ва инглиз айғоқчилари тутилиб, ҳибсга олинди.

У Туркия разведкасининг Иттифоқ ҳудудига хуфя айғоқчиларни ташлаш борасидаги жорий топшириклини бажаарар экан, ўз вақтида бу ҳақда Шўролар иттифоқи давлат хавфсизлиги муассасаларини хабардор қилди.

Иккинчи жаҳон уруши йилларида Б.Иброҳимов Афғонистонда фаолият кўрсатиб, немис разведкаси

Виктор Сумин

сафига кириб олди хамда фашистлар Германиясининг бевосита Ўзбекистон чегарасига якин бўлган Эрон ва Афғонистонда қўзғолончилик харакатини ташкил этиш борасидаги шум ниятларини аниклади. Натижада, бу хатарли харакатлар бартараф этилишга эришилди.

1942 йили Б.Иброҳимов афғон маъмурлари томонидан қамокка олиниб, 1948 йилгача Кобул шахри турмасида, шундан икки ярим йили якка авахтада кишанланган холда сакланиб, узлуксиз кийноқларга солинди. Аммо у ўзининг шўро разведкасига мансуб эканлиги хусусида бирор кўрсатма бермади. Устига-устак, маҳбуслик чоғида хам ўз касб-корини давом эттириди, турмада сакланаётган ва ўзи мансуб давлат хавфсизлиги муассасалари қизиқкан шахслар тўғрисида мухим маълумотлар йиғди. Ўтказилган маҳсус операция пайтида у хибсдан озод қилинди.

1949 йили айнан ўзбек разведкачисининг ёрдамида Америка разведкасининг Покистон худудидан туриб Иттифокка карши уюштирилган қўпорувчилик харакатининг олди олинди.

Ўз Ватанига қайтганидан кейин Б.Иброҳимов оммавий ахборот воситалари тизимида ишлади, 1963 йилдан умрининг охири, яъни 1979 йилгача Ўзбекистон Фанлар академияси Шарқшунослик институтининг катта илмий ходими вазифасида фаолият кўрсатди. Шунинг билан бир каторда разведка соҳасидаги тадбирларда яқиндан иштирок этди, ўзбек разведкачиларининг янги авлодини тарбиялашга ўзининг муносиб улушини қўшди.

Хорижий давлатлар разведкаларининг Иттифокка карши уюштирган қўпорувчилик харакатларини аниклаш хамда олдини олишда кўрсатган катта хизматлари ва жасурлиги учун Б. Иброҳимов “Жанговар Қизил байрок” ордени ва бошқа ҳукумат мукофотлари билан такдирланди.

Сўнгги ва биринчи субҳидам

Пойтахтимиздаги обод ҳамда файзли кўчалардан бири, Жиззах вилоятининг Бахмал туманидаги умутаълим ўрта мактаби Б.Иброҳимовнинг шарафли номи билан юритилмоқда.

Иккинчи жаҳон уруши йилларида кўрсатган матонати ва жасурлиги учун унинг рафиқаси Холида Иброҳимовага амалда Иккинчи жаҳон уруши иштирокчиларига тенглаштирилган имтиёзлар белгилаб берилган.

Тақдим этган материалари учун Ўзбекистон Республикаси давлат хавфсизлик хизматига, шунингдек, ушибу китобни нашир этишида қўллаб-қувватлагани ва берган холис ёрдами учун Республика Маънавият ва маърифат марказига самимий миннатдорчилигими ни изҳор қиласман.

Муаллиф

МУАЛЛИФДАН

Мен бу асарни ёзиш ниятида қўлимга дабдурустдан қалам олганим йўқ. Бунинг учун муайян тайёргарлик кўришга, теран мушоҳадаларга, хатто, касб-коримга тўғридан-тўғри алокаси бўлмаган айрим шубҳа-гумонларга боришга тўғри келди. Ўз елкамга олишим керак бўлган масъулиятнинг юки одатдагидан залварлироқ эканлигини хис этардим.

Мен хикоя килмоқчи бўлган ва қисмати ушбу роман мағзига сингдирилган инсон шахсиятининг рангин жозибаларини хисобга олишдан ташқари, олдда турган яна бир мухим вазифани бажаришим жоиз эди. Бу вазифа қаҳрамонимизнинг хаёт манзаралари орқали бир пайтлар Шўролар Иттифоки деб номланган улкан мамлакатнинг бир бўлаги бўлган Республикализнинг етмиш йиллик тарихини холис кўрсатиб беришдан, бошқачасига айтганда, Ўзбекистон шўро социалистик республикасининг ташкил топганидан бошлаб, унинг мустакилликка эришган пайтигача бўлган улкан даврини қамраб олишга харакат килишим зарур эди.

Ушбу турли-туман тақдирлар орқали ўн еттинчи йил инкилоби, фуқаролар уруши, очарчилик ва қаҳатчилик, қулоқлаштириш ҳамда муҳожирлик тўлқини, ўттиз еттинчи йил, вайронкор уруш, урушдан кейинги машакқатли давр, олтмиш олтинчи йилнинг кучли зилзиласи, Афғонистондаги bemâъни уруш, саксонинчи йиллар охиридаги кети узилмас навбатга туришлар ва

Сўнгги ва биринчи субҳидам
дўконларнинг бўм-бўш пештахталари, халқ оммаси-
нинг норозилик ғалаёнлари каби изтиробли онларни
тасвиirlаб беришга уриндим.

Таассуфлар бўлсинким, ўттиз еттинчи йилдаги кўп
сонли чақувлар, аксарият холларда кимларнингдир
мансабпарастлиги ва манфаатпарастлигига бўйсунди-
рилган қип-қизил бўхтонлар боис наинки ўзбек, балки
бошқа миллатларнинг бегуноҳ вакиллари ҳам кўкраги-
ни мудҳиш қатағоннинг қабиҳ ўқига тутиб бердилар.

Иккинчи жаҳон урушининг қонли қиличи миллати
ё ижтимоий келиб чиқишидан қатъи назар, барчанинг
бошида ўйнаб турган кезлар манфур фашизмга қарши
кураш ғояси ҳамма халқларни жипслаштириди. Жумла-
дан, темирчи Шоаҳмад Шомахмудов ўзбек халкига хос
мехр-оқибат ва инсонпарварликнинг ёркин тимсолига
айланди...

Ойнинг ўн беши қоронғу, ўн беши ёғду билан дей-
дилар. Уруш ўз мусибат ва мاشаққатлари билан бир-
га мамлакат иқтисодиётини чинакамига кўтариш, иш-
чилар синфини шакллантириш, немис фашистлари
томонидан босиб олинган ҳудудлардан Ўзбекистонга
минглаб эшелонларда келтирилган заводларнинг ноёб
ускуналари, минглаб малакали ишчи-хизматчилардан
самарали йўсинда фойдаланиш имконини берди. Ва ҳар
ким бу ерда бир бурда нону бошпана эгасига айланди.

Шунингдек, бу ерга турли миллатларга мансуб кўп
сонли биродарларимиз келиб, нафақат бошпанага, бал-
ки иккинчи ватанга ҳам эга бўлдилар, куёшли Ўзбекис-
тон пойтахти “Тошкент – нон шахри” деган янги ном
остида шухрат қозонди.

Бунга қўшимча килиб Тошкентда уруш йилларида
ва урушдан кейинги даврда атоқли бастакорлар, адил-
лар, адабиётшунослар, таржимонлар, рассомлар яшаб,

Виктор Сумин

ишлиб Ўзбекистоннинг янада равнак топишига, Тошкентнинг меъморий қиёфаси тубдан яхшиланишига муносиб улуш қўшганини ҳам таъкидлаш лозим.

Дарвоқе, Ўзбекистоннинг ўзи ҳам киска муддат ичидан фан тарақкиёти ва юксак технологияли ишилаб чиқариш туфайли аграр ўлқадан индустрисал давлатга ғайланди. Ушбу айтилганларнинг тасдиғи сифатида шуни қўшимча қилишимиз керакки, Ўзбекистон собиқ иттифоқка кирган бармоқ билан санаарлик худудлар қаторида космик фазони ўзлаштиришда яқиндан иштирок этди.

Минг тўққиз юз олтмиш олтинчи йилда Тошкентда даҳшатли зилзила юз берди. Ўшандан пойтахтимизни барча иттифоқдош республикалардан келган ҳайриҳоҳ вакиллар кайта тикладилар, Тошкент ҳақли равишда “дўстлик шаҳри” деб атала бошланди.

Афғонистон билан бошланган қалтис “ўйин”, яъни шўро қўшинларининг чекланган қисмларини бу мамлакатга олиб кирилишининг бош сабаби коммунистик тажовуз ёинки жаҳон пролетарларини бирлаштириш орзуси эмаслигини жуда кам сонли кишилар билишади.

Бунинг сабаби ўта эриш туюладиган даражада оддийдир. Бу – сув масаласи, Амударёнинг ўшандаги Ўрта Осиё республикалари, айниқса, Ўзбекистон учун ўта тақчил бўлган тоби-хаёт муаммоси ёди. Ҳозирги кунда бу масала янада кескин аҳамият касб этиб бораётгани хеч кимга сир эмас.

Колаверса, ўша йиллари кўп миллатли люксакт маданиятимиз ҳам шаклланди. Мамлакатимиз худудида жуда қўплаб маданий тадбирлар – фестиваллар, кўргазмалар, концертлар ўтди, уларнинг аксарияти халкаро миқёсга эга бўлди. Подшо Россияси, собиқ Иттифоқнинг Ўрта Осиёга нисбатан кутилмаган жўғросиёсий ниятлари таҳлилига

чуқур киришиб ва ҳозирги куннинг айрим муаллифларга ўхшаб бир ёқламаликка берилиб кетмаган ҳолда таъкидлашни истардимки, кўп ҳолларда йўл кўйилаётгани каби тарих тафсилотларига фақатгина шу кун нуқтаи назаридан баҳо бермаслик лозим. Юз бераётган воқеаларнинг туб моҳиятини англаш, бунинг учун ўша давр, ўша ҳолатларни ҳисобга олмоқ керак. Ваҳоланки, бизларнинг ҳаммамиз ўз давримизнинг маҳсулимиз. Барча нарсанинг ўз ўтмиши бор. Одамларнинг ҳам, шаҳарларнинг ҳам, мамлакатларнинг ҳам. Улар турли-туман бўладилар. Улар билан ифтихор қиласдилар, улар юракда оғриқ пайдо киласди, улардан нафратланадилар. Аммо ўтмишни, қандай бўлишидан қатъи назар, ҳеч ким ўзгартира олмайди.

Устига-устак, менга қолса, оний натижалар етагида қолган ёхуд бирор шахс инжиклигига бўйсунган ҳолда тарихимизнинг бирор лаҳзасини сийкалаштириш, бирор жиҳатига бўёқлар бериш, бирор жиҳатини қоралаш, бўрттириш асло мумкин эмас. Зеро, Вақт деб номланган дарё оқими барча бўтанани ювиб юборганидан кейин Ҳақиқат ўзининг бутун шаффоф вужудидаги мавжуд қадр-қиммати, нуқсонлари билан кўзга ташланади, ок оқка, кора қорага дўнади. Чин Ҳақиқат наинки Тарих, балки ҳар биримизнинг наздимизда тантана қиласди. Уни тан олиш, шуурга сингдириш эса нафақат кўнгил ишигина бўлиб қолмасдан инсоннинг умумий маданияти ва идрок қилиш ҳолатига ҳам боғлиқ бўлади.

Буюк Амир Темур наинки кўп сонли зафарли юришлари ва ғолибона жанглари, ҳар бир инсоннинг давлат тизимидағи ўрни ва аҳамияти, ҳокимият муассасалари билан муносабати яққол акс эттирилган “Тузуклари”, балки ўз ватанпарварлиги ва ўз Ватанига, ўз халқига бўлган улкан мухаббати боис ҳам тарихда кўп асрларга татигулик из қолдирди.

Асарнинг ўзига хос жиҳатлари хусусида икки оғиз сўз. Махсус хизматлар барча замонларда ўз вазифасини бажариб келган ва токи Давлат мавжуд экан, шундай бўлиб қолаверади, шу боис Чарм чакмон ва Ханжар сохибларининг фаолияти доимо одамларнинг эътиборида бўлади. Агар асар қаҳрамони бадиий тўқима эмас, аник шахс бўлса – бу кизикиш икки бараварга ошади. Сабаби – бу одамларни мамлакат билади-ю, исми-ширифларини тилга олмайди, яъни кўринмас жабҳанинг жангчиси, демак, чинакам қаҳрамонга айланади.

Аммо бу ҳодисада танганинг орка томони ҳам бор. Бошқачасига айтганда бундай одамнинг шахсиятини қоралашга, ишини йўққа чиқаришга ҳаракат киласидан кимсалар ҳамиша топилади. Бу одам қанчалар машхур бўлса, бир бочка асалга бир қошиқ катрон қўшишга шайлар сони кўпаяверади.

Ўзбекистон Республикаси Миллий хавфсизлик хизмати музейида Баҳром Иброҳимовнинг ҳаёти-фаолиятига бағишлиланган каттакон маҳсус қўргазмалар тахтаси мавжуд. У ерда бир канча китоблар, шу жумладан, хорижлик муаллифларнинг асарлари ҳам бор. Улардан бирида шубҳали манбаларга таянган ҳолда разведкачи таржимаи ҳолига оид нохолис тафсилотлар хикоя қилинади. Хавфсизлик хизмати тили билан айтганда, уни сирни очиш, ҳатто икки томонга хизмат қилиш, яъни ҳар қандай давлат разведкачисининг энг даҳшатли гуноҳида айблайдилар.

Қатъий ишонч билан кайд қилишимиз мумкинки, Давлат Хавфсизлик Қўмитасининг Республика Миллий Хавфсизлик хизмати фондида сақланаётган кўп сонли архив материаларида бундай фактга яқин бирор ишора ёинки нозик шама ҳам йўқ.

Сўнгги ва биринчи субҳидам

Минг афсуским, менга Баҳром Иброҳимовни ўз кўзим билан кўриш насиб этмади. Бирок унинг ёши анча жойга бориб қолса ҳам, аёллик латофатини йўқотмаган рафиқаси, пиру бадавлат оиланинг вакиласи билан истиқлолнинг ажойиб кунларида бир неча марта учрашиш баҳтига мушарраф бўлдим.

Коидага кўра, бу мулокотлар Тошкентнинг тинч, овлоқ кўчаларидан биридаги Иброҳимовларга тегишли кичкинагина уйда кечар, хонадон бекаси мени у ерга катта мамнуният ҳамда яшириб бўлмайдиган кувонч билан таклиф этар эди. Мен унинг гоҳ ўзбек, гоҳ рус тилидаги мафтункор нутқини тинглар эканман, имкон қадар ҳикояларидан кўпроқ асл тафсилотларни уқиб олишга ҳаракат килар, эски суратларни кўрар, дастурхонидаги мазали таомлардан тотиб, бу ажойиб эр-хотиннинг бошидан кечган воқеалар тўғрисида ўй сурардим.

Сиз китобда давлат ёинки ҳарбий сирни, хавфсизлик хизмати фаолиятининг услубларини, у ёки бу ходимнинг исми-шарифини ошкор этган бирор саҳифа топа олмайсиз.

Онгли ҳолда тасвиirlанган даврнинг тарихий воқеала-рига, атоқли арбобларнинг шахсий сифатларига алоҳида урғу беришдан холи қолинди. Ўша йилларнинг айrim зарур тафсилотлари, хаётий ҳодисаларигина тилга олинди.

Фақат алоҳида шахснинг ўз Ватанига бўлган катта мухаббати, унинг тақдирига нисбатан куйинчаклиги, фидоийлиги ва теран жонкуярлиги, ғоялар учун ўзини қурбон килишга шайлик туйғуси ҳамда Эркак ва Аёл орасидаги ибрат олса арзийдиган тиник ҳамда ёруғ муносабатлар ҳакида ҳикоя қолинди.

Виктор Сумин

СИРЛИ КАРВОН

Бир неча ўн бош юк ортилган отлар ва ўн нафарга якин суворийлардан иборат карвон торгина тош дарани четлаб ўтиб, йилнинг бу фаслида саёзрок бўладиган дарё ирмоғи жилдираб оқиб ётган адири водийнинг кенгликларига чиқди.

Водийнинг иккинчи четига, адир тепасидаги қалин буталар орасига беркинган уч нафар суворий эса бу карвоннинг харакатини зимдан кузатиб туришарди.

— Ўшалар, — деди Бахтиёр гўё якка ўзи учун сўз қотгандек дурбин орқали ўша ёққа диққат билан тикилар экан. — Бу айнан биз кутган карвон. Аммо азаматлар ўта айёрлик билан иш тутишибди-да. Биз юборган одамлар не сабабдан уларнинг кетидан етолмай қолганини энди тушунса бўлади!

Карвонга қўриқчилик килиб келаётган отликлар кизил аскарлар либосида эди. Ҳаммадан олдда башанг кийинган олифтанамо зобит тўриқ отини гижинглатиб келарди. У биринчи бўлиб дарё кечувига етиб келгач, отини тўхтатди-да, дурбинини кўзларига тутди.

— Мана, бошлиқ, — деди отини яrim кадам ортда тўхтатган йўл бошловчи. — Етиб келдик. У томони — Афғонистон.

Зобит дурбиндан кўз узмасдан бир даста пул олиб йўл бошловчига узатди.

Бахтиёр дурбин орқали йўл бошловчининг пулни кўйнига яширганини, отининг сувликларини тортиб,

Сўнгги ва биринчи субҳидам
икки оёғида тикка турғазганини, шу жойнинг ўзида
орқага буриб, келган йўлига жадал равона бўлганини
яққол кўрди.

– Тезда хуфя хабар гулханларини ёқинглар! – топ-
шириқ берди Бахтиёр.

Зобит эса шошилмасдан қарвонга қайтиб келди-да,
отини чоптириб кетаётган йўл бошловчининг ортидан
қараган ҳолда қўлини ҳамроҳига буйруқ ишораси би-
лан узатди. Старшина эса эпчиллик билан ўз караби-
нини зобитга ирғитди. Зобит зимдан нишонга олиб, ўқ
узди. Суворий от устида бир сапчиди-да, эгардан учиб,
оёғи отнинг узангисида қолиб кетди. От мурдани тош
йўлдан анча жойгача судраб боргач, тўхтади, гангиган
кўйи кишинаб юборди ва боши билан бежон хўжайини
томонга интилди.

– Эҳ-ҳа! – чуқур нафас олди Муҳиддин қўрбоши,
ковоқлари уюлиб, Бахтиёрдан дурбин сўради ва бир
лаҳзадан кейин унинг йиртқич юзига кон тепди. – Боль-
шовойларми? Нега?

Бахтиёрнинг юзида пайдо бўлган жиддий ифода
унинг ички оламида қандайдир кураш кечаётганидан,
яъни муҳим бир қарорга келаётганидан дарак берарди.

– Мана, фармон. – Бахтиёр қўрбошига қувурчаси-
мон ўралган бир варақ қофозни узатди. – Мазмунидан
бехабарман. Толиб эшон шахсан ўзингизга беришни бу-
юрган.

Қўрбоши ўроғлик қофозни тез олиб, муҳрини бузди,
ўқигач хириллаб қаҳқаҳа урди:

– Албатта, албатта! Бу айнан аканг қарағай қойил-
латадиган иш!

Отига қамчи уриб, ўзини дарахтзор ичига урди ва
тиккасига буталарни шатирлатиб чоптириб кетди.

Яқин жойларда ёқилган уч гулханинг калин тутунлари осмонга ўрлади. Уларни ёккан учинчи суворий, полвонсифат жуссали барзанги, серсокол афғон отини терга ботирганича кайтиб келди. Бахтиёр яна дурбинга кўз тикидиган.

Зобит отини сувга бурди. Изидан карвон кўзғолди. Дарёнинг ўртасига борганларида сув отнинг корнигача келди.

Бахтиёр зобитга дикқат билан разм солар экан, бирдан ўзини олдинга ташлаб юборди. Дурбинни тушириб, рӯёга дуч келиб, уни қувгандай бошини сарак-сарак килди.

— Бўлиши мумкин эмас!

У зобит либосидаги бу одамни аниқ-тиник таниган эди...

Охирги от дарёнинг афғон тарафдаги шағалли соҳилига чикиши билан кўрбошининг отликлари адирандаги кийкириб чикдиларда, ўзларини йўқотиб кўйган карвон ахлини бир лаҳзада ўраб олишди. Қизиласкарлар куролларига қўл узатганларида зобит ўз потини орка оёкларида тикка турғазганча ҳайкирди:

— Ўқузилмасин. Тек турилсин! Ўзимизни килар бу!

Кўрбоши одамлари карвон атрофида от ўйинидек айланар экан, кўрбошининг ўзи қамчиси билан зобитга олисларга ястанган адирга караб юришни ишора килди...

Дарё кирғозида, ёнғокзор соясида дала чодирини тикилган, сал нарида эса дарахтлар орасига тортилган улкан пашшахона хилпиради. Каттакон гулханинг чўғларида сўйилган бутун бошли олкор гўшти жизилларди. Бахтиёр чодир ёнида отдан тушди, шовқин солиб яқинлашаётган отликлар тўдасига кўз ташлади-да, от жиловини афғонга берди.

— Хайрулла, — деди у полвонсифат ҳамрохига. — Офицерни чодирга, менинг қошимга олиб боринг...

Чодир ярим қоронғу бўлгани учун ёруғликдан кирган зобит тўрда турган хўжайиннинг афтини кўра олмас эди.

– Ассалому алайкум.

– Валайкум ассалом. “Сизни карвон йўлидан бурилиб, бу кимсасиз тоғларга йўл олишга нима мажбур этди?”

Зобит енгил нафас олди – хуғя иборанинг сўзлари тўппа-тўғри айтилган эди.

– “Баъзан узун йўл ҳам энг қисқаси бўлиб чикиши мумкин”. Нега бу кадар кўпол кутиб олдинглар, биродар?! Менинг одамларим ўзларини ўқ узишдан аранг тутиб туришди!

– Биз берилган буйрукни бажаряпмиз, холос. Жаноб бошлиқларимизнинг миясида нелар борлигидан бехабармиз. Бу ерда сизлар учун қулайроқ бўлган кийим-кечак тайёрлаб кўйилган. Махаллий кийимлар. Марҳамат килиб, кийининглар...

Отларидан тушган қизил аскарлар бир ерга ғуж бўлиб, қўрбоши одамларининг хатти-ҳаракатларини хавотир билан кузатиб туришарди. Уларнинг бир қисми ҳам отларидан тушган, бир қанчаси эгарнинг устида эди. Қўрбоши тулпорини юк ортилган отлардан бирининг ёнига хайдаб, киличини қинидан сугурди-да, аниқ зарба билан хуржунни тилиб юборди. Дағал матога ўралган оғир бўғчалар ерга сочила бошлади. Қўрбоши улардан бирини ерга тушмасидан аввал илиб олди.

– Орқага! – дея старшина карабинининг затворини тортди. – Карвондан қўлингни торт!

Кўрбошининг бир туки ҳам титрамасдан бўғчани улоқтириди ва қўлида олийнав пўлатдан ясалган яп-янги “шмайссер”, яъни олмонлар автомати ялтиради.

– Йўқол! – деб бақирганича старшина карабинини ўқталиб, қўрбошининг ёнига югорди.

Кўрбоши отини оркага бураётгандек бўлди-да, тўсатдан эгилиб, елкаси билан отнинг сағрисига таянди, боякишга яшин тезлигига ўқ ёмғирини йўллади. Старшинанинг боши лошидан айрилиб тушди. Бир сония кўрбоши одамлари хам, кизил аскарлар хам тошдек котиб колишиди. Кўрбоши эса қиличи билан яна бир шахиднинг қалласини танасидан жудо қилди. Бетартиб отишма бошланди...

– Нима гап? – қичқирди зобит ярим ечилган гимнастеркасини бошидан чиқаришга уринар экан. Охири гимнастеркасини чопиб бораётиб етгач, чодирдан отилиб чиқди.

– Тўхтантлар! Ўқ узишни бас қилинглар! – зобит тўппончасидан икки марта осмонга қараб ўқ отди.

– Ҳап саними, кизил маҳлук! – дея кўрбоши қонга беланган қиличини унинг боши устида серпади.

Аммо шу чоғ Бахтиёр зобитга орка томондан ёпишиб, уни ерга йикитди-да, гавдаси билан тўсди. Шу оннинг ўзиди Хайрулла кўрбошига ёпишиб, эгардан ерга тушириди. Кўрбошининг одамлари уларни ўраб олиб, нима килишларини билмай туришарди.

– Мухиддин! – деб бакирди Бахтиёр. – Одамларингизни четга олинг!

Хайрулла темирдан қаттикроқ чангалини бўшатгач, кўрбоши ўрнидан турди. Ўз одамларига ишора қилгач, улар хиёл четга чикишиди.

Зобит кўкат устида ўтирад экан, Бахтиёрга чукур изтироб билан тикилди.

– Бахтиёр?! Бу сенмисан?!

– Ҳа, Мэлс. Бу менман!

– Қандай килиб? Бу ерда нима бўляпти ўзи?

– Мэлс, булар Толиб эшоннинг одамлари. Улар эшон қандай буйруқ берган бўлса шуни адо этишяпти.

Мэлс ўрнидан турди ва гандираклаб юриб, отиб ташланган қизил аскарлар томон юрди. У йиғлашни билмагани учунгина кўз ёшларини тийиб турарди.

– Яратган эгам, – деди Мэлс маҳв этилган ҳамроҳларига титраб-қақшаб кўз тикар экан. – Зокир... Карим... Тешабой... Рустам... Нималар қилиб қўйдинглар, тўнғизлар. Қасам ичиб айтаманки, ҳали бу учун бошлигиниз билан жавоб берасизлар.

– Ҳаммасини асфаласофилинга жўнатдик, кариндош. – Кўрбоши Бахтиёрнинг ёнига келди ва Мэлс томонга ишора қилди. – Буни нима қиласизлар?

– Толиб эшоннинг хатида қандай буйруқ битилган эди?

– Кўрикчиларни зиёnsиз ҳолга келтириб, карвонни Чилдухтаронга олиб кетиш.

– “Зиёnsиз ҳолга келтириб” – хижжалаб айтди Бахтиёр. – Бу – қуролсизлантириб дегани эди.

– “Зиёnsиз ҳолга келтиришми”, қариндош! Ҳали ҳеч ким меникидан афзалроқ усулни ўйлаб топган эмас.

– Фармонни қайтаринг! – қўлини узатди Бахтиёр.

– Мен уни ёқиб ташладим. Унда айнан шундай ёзилган.

– Телбалар. Ваҳшӣ ёввойилар! – пицирлади шуури хувиллаб колган Мэлс. – Туркистон лашкарининг энг аъло жангчилари! Қандай азаматлар эди-я! Йўриқчилар. Радистлар. Портлатувчилар. Разведка мактабининг аълочилари.

– Хўш, буни нима қиласиз, ўғлим? – яна тишларини ғижирлатди қўрбоши Мэлсга қонга ташналик нигоҳи билан тикилар экан.

– У мен билан кетади. Ўлдирилганларни дафн этинглар. Бирор из қолмасин. Ва дарҳамни олиман тинг. Мана, йўл варақаси. Афрометон Ташкинишлар



Виктор Сумин

вазирлиги департаменти томонидан берилган. Ҳеч ким текширмайди.

– Бахтиёр, – ранглари оқарыб кетган, бирдан күзлари киртайиб қолған Мэлс унинг қошига келди. – Тушунтиргин, қандай килиб бу хунрезлик юз берди?..

“ЭНДИ СЕН КИМ БҮЛДИНГ, БАХТИЁР?”

Йўл имкон берган жойларда Бахтиёр ва Мэлс отларини ёнма-ён юргиздилар. Хайрулла уларга орқароқдан эргашиб, узлуксиз равишда масофа саклаб келди. Пастда, тик жарлиқдан дарё шовқин солиб оқар, нариги кирғоқдаги қадим қоялар маҳзун энкайган эдилар.

– Ҳакикатан хам сен уларни бундай разилликка бо-ришмайди, деб ўйлаганимидинг? – орадаги сукунатни бузди Мэлс.

– Ёввойи одамлар. Ёппасига саводсизлар. Ва қаҳру ғазаб отига минган кимсалар. Ўн-ўн беш йилдан буён кувғинда яшашяпти. Шоҳ уларга фуқаролик мақоминираво кўрмади. Тирикликка умуман ярамайдиган ерларни ажратиб берган. Озгина қисми дехкончилик билан шуғулланади, бир қанчаси қўй боқиши билан кун кўради. Кўпчилиги қароқчилик билан қорин тўйдира-ди. Шўро тарафга талончилик ниятида ўтганларнинг кўпчилиги ўлиб кетади. Бу гал қизил аскар кийимини кўришгач...

– Ҳа, – ўйга толди Мэлс. Хуржунидан кичик сувдонни олиб, копқоғини очди. – Ичасанми? Конъяк. Очифи унчалик ўткиридан эмас. Туркларники.

– Раҳмат. Умуман ичмайман.

– Мен эса ўрганиб қолдим. Таскин беради, мияга дам бергандек бўлади. – У ичкиликтан бир неча бор

Сүнгги ва биринчи субҳидам
хўплади. – Хўш, қанча вактдан буён кўришмаган эдик,
Бахтиёр?

– Салкам саккиз йил.

– Муҳожирликда қандай хаёт кечирдинг? Нималарга эришдинг? Бизнинг журналимида бир-икки маколангни ўқидим. Дадил, ақл билан ёзилган. Шеърлар ёзяпсанми?

– Йўқ. Энди шеър ҳакида ўйлашга ҳам вақт йўқ.

– Ташламаслик керак эди. Ахир, энг умидли шоирлардан эдинг! Дарвоке, менинг ўзим ҳам ўшал эрмакни ташлаб юборганман. Минг афсус. Мен ҳам тузуккина шеърлар ёзар эдим-а.

Мэлс олис чўққиларга орзули нигоҳ билан термилди:

Мен – Альфаман, Омегаман,
Интиҳолар интиҳоси – мен,
Ибтидолар ибтидоси – мен...

ПАРАНЖИДАН ЙИРОҚЛАБ

(Ўтмисидан бир саҳифа)

Тонгги қуёшнинг ҳаётбахш нурлари гўё Самарқанд осмонида сузаётгандек маҳобатли мовий гумбазларни эркалайди. Улар кенг майдондан шаҳдам одим ташлаб борар эканлар. Мэлс қўлларини керган ҳолда Бахтиёрга ўз шеърларидан ўқиб беряпти:

Мен – Альфаман, Омегаман,
Интиҳолар интиҳоси – мен,
Ибтидолар ибтидоси – мен...
Фано бордир, бақо йўқ.
Бўлгач қиёмат қойим,

Бархам топса барча мавжудот,
Хоклар тилга кирап даҳмаларидан
Исён килар буюк боболар рухи...

Мэлс тўхтаб бир тин олади-да, Бахтиёрга савол нигохи билан бокади:

- Қалай? Нима дейсан?
- Илҳом билан ёзибсан, Мэлс.
- Фитрат домлага кўрсатсан бўлармикин, нима деб ўйлайсан?
- Кўрсатавер.
- Йўғ-е, қандок бўлар экан. Комсомол аъзоси бўлиб... Шундай шеърлар ёзсан!
- Ёрдам беринглар! – Ногоҳ майдон узра бир ожиза аёлнинг фарёди эшитилади. – Одамлар! Ёрдам беринглар!

Майдоннинг олис бурчагида бир тўп навкирон йигитлар гурухи икки аёлни ўраб олиб, жон-жаҳдлари билан ёши каттасининг бошидаги паранжини юлиб олаётган эдилар. Бахтиёр билан Мэлс уларнинг ёнига боргунга қадар бояқишиш аёл паранжисиз, мурғак киз эса дуррачасиз колган эди. “Йўқолсин паранжи! Паранжига кирон келсин! Аёллар, сизлар гўзалсиз. Гулдай чехраларингизни очинглар! Янги асрнинг янги одамлари бўлинг!” деб ҳайқиришарди қонлари жунбишга келган йигитлар.

– Онажоним, онажоним. Бас қилинглар! Онажонимга тегманлар! – деб зор-зор кўз ёш тўқади норасида кизалок. – Бизларни кўйиб юборинглар!

– Кўйинглар! Тарқалинглар! – оломоннинг ўртасига кириб уларни ўнгга ва чапга суро бошлиди Бахтиёр билан Мэлс.

– Сизлар кимсизлар? – бакиради Мэлс. – Кўлларингизга эрк беришга ким изн берди?

– Бу Мэлс, – дейди улардан бири. – Иккинчиси эса Бахтиёр.

– Нима киляпсизлар?! Факатгина дил амри, сўз кучи билан мақсадга эришиш мумкин! Эслайсизми, Бухорода аёлларнинг ўзи паранжиларини ўтга улоқтириди! Ҳамманинг олдида ёкиб юборишид! Сизлар-чи? Уят эмасми?

– Кимсизлар ўзи? Комсомолларми ёки қароқчилар?

Хижолат бўлган жанжалкашлар аста-секин оркага чекина бошладилар.

– Кечирасизлар. Қўркманглар, – аёлларга бурилди Мэлс. – Замон шунаقا. Сафларимиздаги ҳамма хам ғоявий жиҳатдан етарли даражада тобланган эмас...

Йигит она билан қизининг сулувлигига махлиё бўлиб, миқ этолмай қолди. Бахтиёр ҳам сеҳрланган кўйи хижолатомуз эгилиб, тупрокқа топталган паранжини кўтарди. У жулдур бўлиб колган эди. Аммо аёл барibir паранжи қолдигини миннатдорчилик билан қабул қилиб олди.

– Каерда яшайсизлар? – деб сўради Бахтиёр. – Биз сизларни кузатиб кўямиз!

– Хув, анови ерда, – ишора қилди қизалок. – Майдоннинг ортида.

– Хотиржам бўлаверинг, – деди Бахтиёр ҳали ҳам дир-дир титраётган аёлга. – Менинг исмим Бахтиёр, дўстимнинг оти Мэлс.

– Мен – Хотираман, – дейди онасининг ўрнига қизалок. – Онамнинг исми Замирахон...

Бадавлат хонадоннинг кенггина ҳовлиси. Эшикнинг олдида қўлларини кўкраги устига кўйиб олган қорамтири юзли кампир турибди. Бир чеккада ҳамон ўзини йифидан тўхтата олмаётган Замирахон ва унинг орқасидан яширинча нигоҳ ташлаб турган Хотира.

— Мен сизларга қай йўсинда ташаккур билдиришни билолмаяпман, азизларим, — дейди икки ўртокка хона-дон сохиби Нуриддин тамаки. — Эсларингизда турсин, менинг уйимнинг эшиклари сизлар учун доимоночиқ бўлади. Ҳаялламай келиб туринглар. Чин кўнгилдан хурсанд бўламан. Кутаман...

“ЭНДИ СЕН КИМ БЎЛДИНГ, БАХТИЁР?” (давоми)

Йўл борган сари юкорига ўрларди. Навбатдаги илон изидек айланма жойда Бахтиёр тўхтаб, қарама-қарши томондаги тоғ дарасига ишора килди:

— Қарагин! У ёқда, бир поғона баланддаги йўлда кўпсонли отлиқлар тўпланган эди. Тез орада уларга рўбарў бўламиз. Бу афғонмиршаблари. Толиб эшон сенинг карвонинг юриши мумкин бўлган барча йўлларни полиция кўз остига олганидан хабар топган экан.

— Эҳ-хе, шунакамиди, ҳали! Аммо сен ўша қотиларнинг карвонни зарур манзилга олиб боришига ишонасанми?

Иккови бир пайтда отларини қўзғадилар. Ҳиёл кутиб турган Хайрулла ўртадаги масофани саклаган ҳолда изларидан йўлга тушди.

— Сен не учун карвонда канча курол ва пул борлигини сўрамаяпсан? Қандай килиб мен бу ерга келиб қолганимни? Қандай мақсад билан келганимни?

— Мэлс, мен ўзимни одамларга камроқ савол беришга ўргатганман.

Сўнгги ва биринчи субҳидам

- Дарвоке, бундан бўён мени Мэлс деб атама. Маркс, Энгельс, Ленин, Сталин – ҳаммаси у томонда колди, умрбод орқага улоқтирилди. Мен энди Маъруфман. Маъруф Маъруфий.
- Мен исимни ҳам, фамилиямни ҳам ўзгартирмадим.
- Бахтиёр, эшит, – энтиккан ҳолда у томонга бурилди Мэлс. – Ўтган ўтди, кетди. Иккимиз ҳам ёш, навниҳол эдик. Бир-биirimizга кек сакламайлик. Ҳаммасини унустайлар!
- Сен нималарни назарда тутмоқдасан?
- Ўтмишни. Ишон, агар ҳаммаси хамирдан кил сугургандек силлиқ кечиб, сен қочмаганингда ҳам 37- ёинки 38-йили нақ пешанангдан дарча очган бўлардилар. Сувсаб сув сўрасанг, ичиб бўлмасингданоқ итдек отиб ташлашарди. Хайрият, бариси яхшилик билан тугади...

ДАСТИ УЗУНЛАРГА ОШНА БЎЛИШНИНГ ФОЙДАСИ ҲАҚИДА

(Ўтмишдан бир саҳифа)

Бахтиёр ва Мэлс Нуриддин амакининг уйида меҳмондалар. Шу ерда Дасти Узун деб ном олган Болтабой ҳам ҳозир у нозир. Чой ичишяпти. Меҳмонларга қувкулгу билан назар ташлаган уй эгаси ўз фикрлари билан ўртоқлашмокда:

– Ҳокимият, ҳар қандай ҳокимият билан, айниқса, аввал ҳеч ким бўлмагану энди барчасини қўлга олмоққа шаҳд килган дасти узунлар билан курашишдан фойда йўқ. Диктатура чоғида эсон-омон қолишнинг ягона йўли барча жабҳада уларга қулоқ солиш, ҳеч нарсада эътиroz билдиримасликдан иборат. Ва, албатта, ақл билан иш юритиш. Мабодо ўша ақл бор бўлса...

Хотира киради. Очик юзи ойдек. Чиройи кўзни қамашибади. Нуридин уч кўнок хам қизининг малоҳатига маҳлиё бўлиб, ундан кўзларини узолмаётганини пайқади. Киз чойнак ва шириналар терилган патнисни столга охиста кўяди. Одоб ва хиром билан чиқиб кетади.

— Мен аёлларимизнинг паранжидан воз кечишига асло карши эмасман, — айёрлик билан мийигида кулди Нуридин. — Колаверса, кўп қиррага эга мусулмон дунёсида паранжининг ҳамма жойда ҳам кераги йўқ. Бизда, яъни янги тартиблар ўрнатилган юртда эса умуман шарт эмас. Ўйлашимча, тўйгача келиннинг юзини кўрмасдан уйланишга рози бўладиганларнинг сони жуда камайиб кетади.

Ва яна Хотира кириб келади. Бу гал мева келтиради. У охуникидек гўзал кўзларининг кирини Мэлс ва Бахтиёр томонга ташлагани Дасти Узуннинг яшириб бўлмайдиган даражада рашкини кўзғайди.

— Бинобарин, балки сизлар билмассизлар, аммо шундай бир конун бор. Муштумзўрни сургунга жўнатишганида хўжайн билан бирга оиласини ҳам бирга юборишади. Бироқ қулоқ килинган қизига комсомол аъзоси ё большовой уйланса, оиласига тегишмайди, қолдиришади. Бундай ходисалар бўлган. Шунчаки айтдим-кўйдим-да. Бизнинг хавотирли замонда ҳамма нарсани олдиндан кўра билишга харакат қилган маъкул. Масалан, менинг пахта заводим бор эди. Бинойидек пахта заводи. Шўро хукумати келгач, дасти узунларга бердим. Ўз хохишим билан хадя қилдим. Ўзимнинг одамимни директор килиб сайлатдим. — Дасти Узунга ишора қилади. — Ўзим ҳам завод хузурида колдим. Кейин НЭП замони бошланди. Ўз дўконимни очдим. Ишлар силлиқ кетди. Анчагина даромад ҳам топдим. Лекин... НЭП тутатилди. Мол-мулк эгаларининг бор-будини мусодара

қилиб, ўзларини қамашди, сургунга юбориши. Мен эса яна ўз қўлим билан дўконимни топширдим. Мавжуд моли, маблағи, олтини билан бирга бердим. Ва яна заводга, Дасти Узунга бордим. Маслаҳатлар беряпман, билганимни айтяпман. Мана, навбатдаги маслаҳатимни айтгим келяпти...

Аммо яна бир бора Хотира кириб келди. Чойнакларни алмаштириди, у-буларни йиғишириб олди. Нозик табассуми, карашмаси билан ёшларнинг жигига тегди. Мэлс кўзларини узмасдан паризодга тикилар экан, хаяжонини томоғи бўйлаб у ёққа-бу ёққа бориб келаётган халкуми ошкор қилиб қўйди. Дасти Узун ҳам хаяжондан чойни пиёланинг ташқарисига куяётганини сезмади.

– Ҳа, Болтабойжон, – унинг жигига тегади уй соҳиби. – Сен қатағон қилинган одамнинг қизига уйланган бўлармидинг?

– Ҳа, қандай бўларкин бу... – ниҳоят уятдан қизарди Дасти Узун. – Албатта, шароитга қараб иш тутиш керак. Нималигига ҳам боғлиқ-да. Масалан, дейлик, душман...

– Ана, ана! – маза қилиб кулди уй эгаси. – Сиз ёшларчи, қандай ўйлайсизлар?

– Севги учун чегара йўқ, – жавоб берди Мэлс ва стол остидан Бахтиёрнинг тиззасини туртди.

– Шарқ мумтоз адабиётининг барча йирик вакиллари шуни таъкидлайдиларки... – сухбатни қўллаб-куватлади Бахтиёр.

– Юсуф ва Зулайҳо, – гапни илиб кетди Мэлс. – Лайли ва Мажнун, Фарҳод ва Ширин, Тоҳир ва Зухра...

– Мана, шунаقا, Дасти Узун, – Болтабойга таънали нигоҳ ташлади Нуриддин. – Таълим олсанг тузук бўларди. Дарвоҷе, завод мўмай даромадга эгами?

– Қанака даромад? Режани бажарсак, бас, дўппини осмонга отяпмиз!

— Мана, кўрдингми? Негалигини биласанми? Сабаби сен директор бўлганинг билан тижорат борасида ҳам, иктисад бўйича ҳам алифни калтак дея олмайсан. Ҳаммага ўхшаб. Бутун пахтани сўнгги чигитигача шўро хукуматига топширасанлар. Аслида нима килиш керак? Ярмини — шўроларга, иккинчи ярмини хорижликларга сотсанг, козон ҳам мой, чўмич ҳам мой бўлади!

— Кечиринг, хўжайин! — ўрнидан сапчиб турди Болтабой.

— Мен аллақачон хўжайнликдан тушганман. Сен энди ҳам директорсан, ҳам Дасти Узунсан.

— Кечирасиз, домла, сизнинг сўзларингиздан аксилиниклобчиларнинг хиди келиб турибди. Пахта — ўзбекларнинг байналмилад бурчи. У Иваново ва Трехгорка тўқимачилариға керак. Сиз эса хорижликларга, империализм наҳангларига сот деяпсиз. Бирор эшитса борми?

— Сен айтмасанг ким ҳам эшитарди?

— Айтишим керак эди-ю, тилимни танглайимга ютаман! — Болтабой Мэлс ва Бахтиёрга шубҳа билан қараб кўйди. — Шунча йил нон-тузингизни едим.

— Эсингда тут, Болтабой. Сизлар ҳам эсингизда тутинг, навқирон йигитлар. Хориж билан оқилона савдо алокаларини ўрнатмас экан, Ўзбекистон касодга учрайди. Ва сизлар халқимизни қашшоқлик ботқоғига боти-расизлар!

Дости Узун ўрнидан сапчиб турди:

— Сиз ҳам эсингизда тутинг, домла: Россия дунё пролетариатининг дохийси, пролетариатнинг кучи эса унинг бирлигидадир. Шундай экан, биз ўзбеклар у билан қадамба-қадам, елкама-елка юришимиз шарт!

— Яхшиямки, ёнингда тўппончанг йўқ, — кулимсиради Нуриддин. — Бор бўлса мени шартта отиб ташлардинг-а?

Сүнгги ва биринчи субҳидам

— Кечиринг-у, ҳақиқатан ҳам отиб ташлардим.
— Баривир ҳали Нуриддинни неча бора эслашларингизга тўғри келади. Пахтани ким кўпроқ пул берса, ўшаларга сотасизлар. Россия ва бошқа давлатлардан зарур техника ва асбоб-ускуналарни харид қиласизлар. Акс ҳолда, сизларнинг бутун дунё инқилобингиз бўғилиб қолади...

Кўчага чикишгач, Мэлс Нуриддиннинг ортда қолган уйига яна бир нигоҳ ташлади ва кутилмаганда шундай деди:

— Тан олгинки, жуда қизиқ одам-а!
— Аммо у душман-ку, — дўстининг жигига тегди Бахтиёр. — Шўро ҳокимиятининг ашаддий душмани.
— Душманликка душман-у, — бош иргади Мэлс. — Балки шундай душманлардан анча нарса ўрганиш керакдир. Ёинки уларни ўз тарафимизга оғдиришимиз керакдир?

— Эътиқоднинг кучи биланми?
— Мен ҳазиллашаётганим йўқ. Ҳақиқатан ҳам мен унинг кизига совчи юборсам-чи? Хотира қанчалар сувув-а! Чамаси мен севиб қолдим-ов!..

“ЭНДИ СЕН КИМ БЎЛДИНГ, БАХТИЁР?”

(давоми)

Уч суворий тоғнинг айланма йўли бўйлаб ўз ҳаракатини давом эттиришмоқда эди.

— Сенинг афғон дўстинг ғалати одам-а, — деди Мэлс орқасига ўгирилиб Хайруллага тикилар экан. — Бутун йўл давомида бир оғиз сўз ҳам айтгани йўқ.

— Хайрулла – хурматга лойиқ одам, — бироз жим қолганидан кейин деди Бахтиёр.

– Сенга содикми?

Бахтиёр яна бироз сукут саклагач, жавоб берди:

– Ҳа. Шундай деб ўйлайман.

– Унинг ёнида ҳамма нарсани айтса бўладими? –

Мэлс Бахтиёрга зимдан тикилди, у бош силкиди. – Гап шундаки, карвонда кўп пул бор. Жуда кўп. Долларлар. Олтин. Факат ислом жангчилари учунгина эмас. Бошқа максадлар учун ҳам маблағ бор. Ўйлайманки, тушунасан. Мен сенинг карокчиларинг уларни ўмариб кетишидан хавфсираяпман.

– Булар менинг одамларим эмас.

– Бахтиёр, эшит, – ғазабини зўрға босиб турарди Мэлс. – Шундай таассурот туғиляптики, сен менга ишонмаяпсан. Кобулгача сабр қил. У ерда мен кимдан ва қандай ваколатлар билан келаётганимни тушуниб оласан. Ишон, мен сенга айта олмайман...

Мэлс сўзларини охиригача айта олмади. Йўлнинг муюлишидан уларнинг рўпарасидан афғон полициясининг отлик отряди чиқиб келди. Кичик ялангликдан фойдаланиб, улар четга чиқиб, миршабларга йўлни бўшатдилар. Отряд командири уларга ҳарбийчасига салом берди ва ёнбошларига келиб отини тўхтатди.

– Маъзур тутинглар, жаноблар, аммо мен ҳужжатларингиз билан танишишим лозим.

Хайрулланинг нигохи Бахтиёрга тушар экан, енгилгина кўз кисиб қўйди. Зобит паспортларни диққат билан текширгач, уларни қайтариб берар экан, қизиқди:

– Бу сўқмоқдан каттакон карвон харакат қилиши лозим эди. Тасодифан сизлар уни кувиб ўтмадингизми?

– Йўқ, жаноб офицер, – Мэлсдан олдин жавоб берди Бахтиёр. – Мен турк мухандисиман. Фирмамизнинг Афғонистон ва Эрон хукуматлари билан тузган битимига кўра бу ер рельефининг “Техрон-Кобул” автомо-

*Сўнгги ва биринчи субҳидам
биль магистрали қурилишига лойиклигини текширяп-
ман. Булар менга ҳамроҳлик қилишяпти.*

— Яна бир бора маъзур тутинг, жаноблар. Бизлар-
нинг овлок жойларимизда жаноб турк фукароларини
учратиб турганимиздан хурсандмиз. Афғонистон ва
Туркияning дўстлиги халкларимизга ўзаро фойда кел-
тиришига ишончим комил!

Ўз отрядининг отликларига етиб олган зобит кулиб
деди:

— Аллоҳ ҳакқи қасам ичаманки, мен қандай қилиб
хитойлик бўлсам, улар ҳам шундай турклардир!

Бахтиёр Мэлсга дикқат билан тикилди:

— Мэлс, сенинг ваколатларинг билан менинг ишим
йўқ. Кечирасан, Маъруф. Менга сенинг нима билан кел-
ганинг ва ҳозир ким эканлигингни аниклашни буюриш-
ган эдилар.

— Сен-чи? Энди сен ким бўлдинг, Бахтиёр?

— Сен “Менга ишонасанми” деб сўрадинг, — саволни
бежавоб қолдирди Бахтиёр. — Сенинг қанчалик ва қандай
ўзгарганингни билмайман-у, аммо сенинг хатти-харакат-
ларинг бизнинг ёшлиқ ҷоғларимиздан бошлаб мени тез-
тез ташвишга солиб турганини тан олишим керак...

“МЭЛС, МЕНИНГ ОИЛАМНИ ҚУТҚАРИБ ҚОЛ!”

(Ўтмишдан бир саҳифа)

Эрта тонг. Бахтиёр ва Мэлс Нуриддиннинг уйи-
га яқинлашдилар. Дарвоза олдида қора рангдаги ёпиқ
автомобиль. Чарм куртка ва фуражка кийган ҳайдовчи
ясама хавотирга берилганча машина атрофини айла-
ниб, этигининг учи билан шиналарни навбатма-навбат
тепиб кўрмоқда.

Дўстлар тўхтаб, бир-бирига карадилар, тахминларга берилганча котиб колдилар.

Дарвоза очилди. Ярим ҳарбий кийимдаги эркак чикиб, очиқласига чор атрофга шубҳа билан қаради. Дарвозадан яна бири бош чикариб:

– Ўрток Ильенко! Хотин-халажни нима қиласиз? – деб сўради.

– Биринчи марта чикишингми? Уларга эътибор бериб ўтирма!

– Хўп. Тушундим.

У кириб кетди. Бироздан кейин у ҳамрохи билан ҳовлидан ўзини йўқотиб қўйган, бошини қуи эгган Нуриддинни олиб чиқдилар. Ва дарҳол унинг кетидан аёлларнинг йиғиси ва дод-войи эшишилди. Нуриддинни машинага томон итардилар. Шу чоғ дарвозадан соchlари ёйилиб кетган, юzlари очиқ Замирахон отилиб чикиб, кузатиб боришга келган соқчилардан бирини юлкиб ташлаб, Нуриддиннинг бўйнига осилди. Онасининг оғушига ташлади. Уларнинг фарёди бутун кўчани қоматга келтирди. Кўшни уйлардан одамлар чиқишиди-ю, яқинлашишга ботина олмадилар. Узокдан Дасти Узун шарпаси пайдо бўлди, аммо у ҳам кўринмас панжарага дуч келгандек кадамини секинлатди. Фақат қорамтири чеҳрали кампиргина дарвоза олдида тиришиб қолган қўлларини кўкрагига қўйганча ё воқеага бефарқми, ё мусибатга сабр косаси тўлганми, жим туриб қолди.

– Дасти Узунми?

– Нима Дасти Узун? – англамади Бахтиёр.

– Нуриддинни тутиб берган!

– У деб ўйламаган бўлардим.

– Бизлардан қўрқкан, бизлар ундан олдин хабар қиласиз, деган ўйга борган ёинки қўрқувдан сотган бўлса-чи?

– Биз нима, чақимчиларга ўхшаймизми?

– Нима деганда ҳам комсомоллармиз-ку, – елкасини қисди Мэлс. – Нима десанг ҳам, – Дасти Узунга тикилади, – кулдан ҳеч қачон одам чикмайди!

Соқчилар зор-зор йиғлаб ёпишаётган хотини ва кизидан Нуриддинни ажратиб ололмаётирлар.

– Уни машинага ортинглар, ҳе, онангни... – бақирали Ильенко.

Нуриддин гангиган ҳолда чор атрофга тикилди. Унсиз фарёд учун оғзини очди-ю, одамларни ёрдамга чақирмоқчи бўлди. Аёлларнинг оху фарёди бу кучли одамни матонатдан айирди. Кўни-қўшнилар ўзларини четга олиб, уятдан ерга карадилар.

Унинг хиралашган нигохи Дасти Узунда тўхтади ва Дасти Узун бошини қўйига эгди. Кейин нигохи Бахтиёрдан яrim қадам олдинда турган Мэлсга қадалди. “Мэлс!” Нуриддин кутилмаганда шуурида бўй тиклаган фикрдан қотиб қолди. Соқчилар аёлларни ундан ажратиш билан банд эканидан фойдаланган Нуриддин Ильенкони итариб юбориб, жон-жаҳди билан икки ўртоқнинг олдига югурди.

– Мэлс! – деган хитоб Нуриддиннинг томоғидан хириллаб отилди. – Мэлс! Менинг қизимни кутқариб қол!

Ўзига келган соқчилар унинг кетидан қувдилар. Уларнинг ёнига уч одим қолганда Нуриддин қоқилди, зич тупроққа йиқилиб, жонҳолатда қўлларини қўрқувдан ортга чекинаётган Мэлсга чўзди. Ташқаридан қараганда бойвачча унинг оёкларидан қучмоққа ё пояфзалини ўпмоққа чоғлангандек туюлди.

– Мэлс, ўғлим! Хабарим бор, сен менинг қизимни ёқтирасан! Уни хотинликка ол! Менинг оиласми қутқариб қол!

Мэлс донг қотиб, тилдан қолди, кочай деса оёқлари ерга михланди.

Бахтиёр Нуридинни тупрокдан күтариб олишга харакат килди. Аммо ботирлиги тутиб кетган Ильенко билан сокчилар етиб келинди. Улар чапдастлик билан Нуридиннинг қўлтиғидан ушлаб, бир силтаб кўтардилар-да, қўлларини кифтига кайирдилар.

– Мэлс! Шундай конун бор-ку! Мен айтдим! – сокчилар томонидан судраб олиб кетилаётган Нуридин хириллади. – Менинг кизимга уйлан, Мэлс! Менинг оиласми куткариб кол!

Уни машина олдига олиб келиб, ичига тиқмоқчи бўлишди, аммо у энг сўнгги кучлари билан оёкларини кериб каршилик кўрсатди:

– Мэлс! – энг сўнгги бора қичкирди Нуридин. – Ялинаман, ёлвораман! Хотирани ол! Уйлан! Сизларга оқ фотиҳамни бердим!

Зўравонлар куч билан машина эшигини бекитдилар. Машина зич, қалин, секин ёйиладиган чанг қатламини кўтарганча ўрнидан кўзғалди.

Чанг булути ерга қайта ўтира бошлаганида Бахтиёр дарвоза ёнида ҳамон килт этмасдан турган кампирга кўзи тушди. Сал берида йиғлай-йиғлай ҳоли қолмаган Замирахон ва Хотира. Учаласи ҳам унга, Бахтиёрга кўз тиқдилар. У Мэлс томонга каради-ю, уни ўз ёнидан топа олмади.

Мэлс учиб колган соқийдек секин гандираклаб бу ердан жуфтакни ростлаган эди...

КАРВОНСАРОЙ

Тун. Музофот шаҳарчасидаги карвонсарой. Карвонсарой ҳовлисидаги отхонада Хайрулла ўзларига қарашли учтулпорни кўздан ўтказди, навбат билан сағриларини силиди, меҳр билан пешаналаридан эркалади, дон солинган тўрваларини тўғрилади. Эркалагани учун отлар секингина, эшитилар-эшитилмас кишнаб кўйдилар.

Астагина хуштак чалинди. Хайрулла қулок тутди. Чакирик учун белгиланган хуштак овози яна такрорланди. Хайрулла секингина, худди мушуклар мисол майин қадамлар билан карвонсаройни ўраб олган девор томонга йўл олди.

Кетидан сездирмайгина Мэлс пойлаб борди.

Девор устида белигача кўриниб бир одам турибди. Тагидаги от икки оёғида тикка туришга чоғланди. Хайрулла нотаниш одамнинг ёнига бориб, шивирлаб бир-икки ибора айтди. Нима ҳақда гаплашишганини яқин бора олмагани ва ўзини фош қилиб кўйиш хавфи борлиги учун Мэлс эшита олмади. Хайрулла ўша нотаниш одамга унчалик катта бўлмаган бўғча берди.

Кейин Хайрулла отларнинг ёнига қайтди, узоклашаётган от туёкларининг дупурига қулок тутди-да, ўзи учун намат ёйди, хуржунини бошига кўйди. Белидаги белбоғни ечди. Бошидан чап томонга пичоқ, ўнг тарафга наганини кўйди. Ва қуш уйку оғушига чўмди.

Ўша карвонсаройнинг бир хужрасида керосин лампа хира ёғду сочяпти. Бахтиёр қўлларини боши остига кўйиб, шифтга қараб ётибди. Кўзлари очик. Хаёллари эса уни олис-олисларга элтмоқда...

ФИТРАТНИНГ КАЛОМИ

(Ўтмишдан бир саҳифа)

Асосан ёшлар билан тўлган кенгтина хона бўйлаб одимлаётган Фитрат домла у қадар баланд бўлмаган, аммо ширали, жарангдор овоз билан дейди:

– Бедил ким бўлишидан қатъи назар энг аввало у кишилик жамиятининг ҳозирги тузумига қарши исён кўтарган файласуф бўлиб, жуда кўпчилик одамларнинг

Виктор Сумин

“Фарогатнома”дан қанчалар йирок эканлигидан кайғу-
га тушган эди...

Үтирган толиблар орасига секингина кириб келган
Мэлс Мураббийни сехрланган кўйи тинглаётган Бах-
тиёрнинг ёнига сукилди. У ўртогининг қулоғига нима-
дир демокчи бўлди-ю, бутун вужуди қулоққа айлангани
учун Мэлсга жим ўтиришга ишорани қилди.

— Бедил таклидга, яъни қайси жабхада бўлмасин, ўзи-
дан юкори турғанларга кўр-кўронга эргашганларга қарши
бўлган. У бунга қарши курашиш истаги билан ёнган...

Мэлс яна Бахтиёрнинг қулоғига ниманидир шивирла-
мокчи бўлганида дўсти унга шу қадар қаттиқ тикилдики,
у беихтиёр ундан нарирокқа ўтиришга мажбур бўлди.

Фитрат домла маъruzасини давом эттирди:

— Фақат ўз рухиятингга мурожаат қил, дея даъват
килади Бедил. Бошқа бирор нарсани қабул қилма. Ин-
сон бўлишга халақит қиласидан барча нарсалардан воз
кеч. Сен учун бу ҳам хикматdir, ҳам диёнатdir. Доимо
одамларга эргашаман, деб сен ҳақиқатдан узоқла-
шиб кетдинг. Бундан буён бошқаларга эргашишни бас
кил, шунда сен ўзлигингни англай оласан. Сенинг ҳар
бир фикринг Муқаддас масканга қўйилган бир қадам,
юракнинг ҳар бир эзгу амри эса Аллоҳи Таолога якин-
лашиш демакдир...

ШУБҲАГА КЎРА ҚЎЛГА ОЛИНДИ

Хотиралар занжири Мэлснинг ҳужрага эҳтиёткор-
лик билан кириб келгани боис узилиб қолди. Бахтиёр
кўзларини юмиб олди.

— Бахтиёр, — секин чорлади Мэлс. — Ухламаяпсанми?

Жавоб ололмаганидан кейин деворнинг бошқа то-
монидаги кўрпачага чўзилди.

Сўнгги ва биринчи субҳидам

Сукунат. Қайдадир ит хурди. От уйқусираб кишина-ди. Ва музофот шаҳарчаси ўз сукунатига чўмди.

– Бахтиёр, гаплашиб олишимиз керак. Ҳозирок.

Жавоб – жимжитлик.

– Бахтиёр. Билиб турибман, сен ухламаяпсан. Мени эшитяпсанми? Менга сенинг афғон дўстинг ёқмаяпти.

Яна жимжитлик. Ва шундан сўнг:

Қайгули оқшомнинг қайгули они,
Бир чеккада ёнар икки хос унсур,
Бири – шамдир, бири менинг Рухимдир.
Бошқа бари ухлар тинч ва хотиржам.
Ҳеч ким югурмайди, қўзғалмайди ҳам,
Одимлару сарсон-саргардонлик йўқ.
Йўқдир ёлғон билан сохта табассум,
Душманинг сиймоси қўзимдан йироқ,
Дўстлар-чи, ундан ҳам олисга кетган...
Мен учун масъумдир бу эрка оқшом!

– Бу Фитрат домлага ҳамоҳанг-ку. У сенинг қалбининг-га маҳкам муҳрланибди...

– Бахтиёр, сенинг афғон дўстинг кимга тобе?

– Менга!

– Ҳозиргина у нотаниш отлиқ билан гаплашди, ўз кўли билан унга бир нарса бериб юборди.

– Ҳамма жойда бизларнинг ўз одамларимиз бор. Сенга Хайрулланинг қадамларини ўлчашни маслаҳат бермаган бўлардим. Бу хавфсиз эмас!

– Мен бу гапларнинг тагида нималар борлигини билишим керак-ку?

– Билишинг шарт бўлса билиб ҳам қоларсан! Балки мен ҳам сен нима учун, ким учун келганингни билишим керакдир. Албатта Толиб эшон учун ҳам, мен учун ҳам келган эмассан.

– Сени ишонтириб айтаманки, менинг ваколатларим сен ўйлаб кўрганингдан анча кенгрок мақомга эга.

– Табриклайман. Каминаи камтарин эса Қодир Аллоҳдан кейин факат муфти хазрати олийлари Толиб эшонга буйсунурман, холос. Яна Фитрат домла бор эдилар. Айт, сен унинг охирги кунлари хақида нималарни биласан?

– 38-йили... Ҳа, 38-йилда Юнусободдаги адирдан унинг жасадини топишган. Отиб ташлашибди.

– Қанақасига? Ким?

– Бу менинг билганларимнинг ҳаммаси.

– Ёлғон.

– Сен менга бу гал ҳам ишонмаяпсанми?

Бахтиёр бу таънали саволни бежавоб қолдирди, чунки хонага мушукдек юмшоқ қадамлар билан Хайрулла кириб, унинг қулоғига нималарнидир шивирлади, астагина айтилган буйрукни тинглагач, жимгина чиқиб кетди.

– Афғон полицияси келди, – деди Бахтиёр савол назари билан караган Мэлсга. – Ўзингни вазмин тут.

Шу заҳоти хонага икки зобит кириб келди ва бири йўлда уларни текширган чегарачилар отрядининг бошлиғи эди.

– Ҳавфсизлик хизмати. Кечаси безовта қилганимиз учун маъзур тутинг, – деди кириб келганларнинг ваколат жиҳатидан ҳам, ёш жиҳатидан ҳам, унвони жиҳатидан ҳам каттаси. – Давлат аҳамиятига эга иш билан юрибмиз. Марҳамат қилиб, паспортларингизни кўрсатинг.

Аввал паспортга кўз қиринигина ташлаган зобит лампанинг ёнига бориб, унинг пилигини кўтариб, ёруғликни кўпайтиргач, чўнтағидан яна бир ҳужжатни олди. У икки ҳужжатни бир-бирига узоқ солишитирғач, коникиш билан “ҳм” дея Мэлсга бурилди.

– Эрон билан чегарамиз ҳудудида ўн бир нафар кизил армия аскарларининг яқиндагина дафн этилган

Сўнгги ва биринчи субҳидам
қабрлари топилди. Ўша қабрлардан бирида Кизил армия капитанининг гимнастёркаси ва мана бу хужжатни топиб олдик. Сиз ўзингизнинг турк паспортингиз ва мана бу шўро зобитининг хужжатидаги суратларда бир одам акс эттирилганини инкор этмассиз!..

Афғон комендантуралари, яъни авахтахоналарида кўлга олинганларни унчалик сийлаб ўтирмайдилар. Уларни қамоқ хужрасига шу қадар қўпол равишда улоқтиришдики, Мэлс юзи билан шилимшиқ тош деворга қаттик урилди. Бахтиёр кўйлагини йиртиб, ўртоғининг юзидаги конларни артди, қўлидан келганча тиббий ёрдам берди.

— Ярамаслар! Аблаҳлар! Қарокчилар! — сўкинди Мэлс ва бу унга оғриқни енгишда ёрдам берарди. — Мен буни шундай қолдирмайман. Улар жавоб берадилар!

— Ўзингни босиб ол, Мэлс, — насиҳат берди Бахтиёр. — Мен сендан уларга бакирмасликни, сўкинмасликни, улар билан тортишмасликни ўтинган эдим-ку.

— Иблис олсин уларни! Кўрсавод эшаклар! Улар каерга бурун сукканларини билишмаяпти!

— Улар умуман бурун суқаётганлари йўқ, Мэлс. Сабаби ўзлари ҳеч қандай карорга кела олмайдилар. Кобулга хабар беришади — аллақачон чопар юборганинг имоним комил — у ёқда бизларни нима қилиш кераклиги ҳақида ўйлаб кўришади.

— Ва улар бизнинг тақдиримизни қай йўсинда ҳал қилишлари мумкин?

— Вариантлар бор. Ишни ошкор қилсалар жанжал чиқади. Халқаро миқёсда. Бундан афғонларга зифирча наф йўқ. Иш сирлигича қолсин десалар бизларни судиз, терговсиз Демазанг турмасига тикишади. Абадулабад. Шу билан ном-нишонсиз йўқоламиз, вассалом.

— Сен ҳазиллашяпсанми?

Виктор Сумин

— Йўқ. Ишни изсиз йўқотишнинг уддасидан ҳам чиколмайдилар. Учинчи вариант ҳам иш бериши мумкин.

— Қайси вариант?

— Бизларнинг исми-шарифимизни карвонга дахлдор килмайдилар. Хайрулла Кобул йўлида кетмокда. У Толиб эшонга, Толиб эшон турк консуллигига хабар беради. Ва бир неча кундан кейин биз озодликда бўламиз. Шу билан ҳаммаси тугайди, вассалом. — Бахтиёр яраларни артар экан, яна бир марта Мэлснинг пачоқланган юзига каради ва хулоса чикарди. — Бундан баттар бўлиши мумкин эди.

— Бахтиёр. Ишончим комилки, бу ерда воқеалар шунчаки бир-бирига тўғри келаётгани йўқ, — ўзини босиб олган Мэлс тахлил қилишга киришди. — Бирданига шунча тасодиф юз бериши асло мумкин эмас. Мен карвонни мохирлик билан Эроннинг шуролар томонидан босиб олинган шимолий қисмидан ўтказдим. Икки дунёда ҳам уларнинг калласига бизлар душман эканлигимиз ҳакидаги фикр келмайди!

— Тан оламан, дадил ечим.

— Шунча микдордаги курол, долларлар, олтин! Қолаверса, сайлаб олинган маҳсус команда. Мен ҳозир ҳам бу рейд билан фахрланаман. Бироқ олдиндан тўкилган афсонага кўра, афғон чегарасига бошқа жойдан кириб келишимиз керак эди. Ўта маҳфий бўлган ўтиш жойи ҳакидаги маълумотни сен қаердан олдинг?

Мэлснинг кўзлари Бахтиёрга тешиб юборгудек даражада тикилди.

— Савол беришда манзилдан адашдинг, Мэлс. Менга қаерга боришни буюришган бўлишса ўша ерга бордим, холос.

— Ким буюрди?

— Худо хохласа, билиб оларсан. Кейин-чи?

– Кейин? Нега ўз одамларимиз ўз командамизни даф қилди? Нега кейинги йўналиш афғонларга маълум бўлиб колди? Қандай килиб улар дарҳол дафи жойини топишиди? Ўша котил карвонни қаерга олиб кетди? Карвон белгиланган жойга аниқ етиб боришига кафолат борми? Ва сўқмоқдаги хужжат текшириш сахнаси ва мана бу олдиндан режалаштирилган ҳибсга олиш. Менинг зудлик билан немис миссиясига боришим зарурлиги бирорвга маълумми? Ҳа, немис миссиясига. Бирор менинг бир лаҳза ҳам тўхтаб қолишим мумкин эмаслигидан боҳабарга ўхшайди. Натижада бу ерда, авахтадамиз. Операция хавф остида қолди, балки барбод бўлган бўлиши ҳам мумкин. Мен эса фош бўлдим. Тушунасанми, фош бўлдим. Улар менинг кимлигимни билишади. Жуда бўлмаганда тахмин қилишмоқда.

Мэлс жимиб қолди, юзларини кафтларига яширди, оҳ тортиб бир томондан иккинчи томонга силкина бошлиди.

Бахтиёр унга бокар экан, кўзларидаги алам ачиниш билан ўрин алмашди.

Кейин Мэлс хўл бордон, яъни бўйра тўшамага ётди, оёқ-кўлларини бир жойга йиғди, ғужанак бўлиб олди.

Бахтиёр камеранинг бошқа бурчагига чўккалаб ўтирди ва жимиб қолган Мэлсга узок тикилди.

– Сен хақсан, Мэлс. Бу ишда тасодифлар бўлиши мумкин эмас эди.

Аммо Мэлс аллақачон ухлаб қолган эди.

Шунда Бахтиёр астагина қадимий ўзбек қўшифини хиргойи қилди.

Виктор Сумин

ЮЗ КҮРМАСЛИК АЗОБИ

(Үтмисидан бир сауиға)

Мэлс иккови ижарага олган кичкинагина хона. Үнга стол ва ягона курси-ю, бурчакка тахланган күрпачалар зўрға сигиб турибди. Аммо деворга ўрнатилган қўлбла тоқчаларга жуда кўп китоблар териб кўйилган. Стол ёнида ўтирган Бахтиёр ёзмокқа чоғланмоқда, Мэлс эса кафасдаги йиртқичдек торгина жойда ўзини у ёкқа-бу ёкқа уриб, бир ибора кетидан иккинчисини айтади:

– Нега лаби лунжинг осилган? Нега жимсан? Менга кандай айб кўяяпсан?

Бахтиёр миқ этмади.

– Мен уйланаман, деб ваъда бердимми? Йўқ! Мен совчи кўйдимми? Йўқ! Тўғри, бир-икки марта қиз менга ёқади, деганман. Ҳали сенга ва менга ундейларнинг сон мингтаси ёқади. Бутун ҳаётимиз олдинда. Муруватли валинеъмат бўлишим керакми? Бундай “чиройли жихат” учун комсомолдан ковушимни тўғрилаб кўйишади! Ҳатто қамаб кўйишлари хам ҳеч гап эмас. Бутун умрим иблис измига тушади. Шундайми? Нега индамайсан? Айблаяпсан-а? Унда нега сенинг ўзинг бормайсан?

Бахтиёр кескин бурилди. Кўзлари ёниб турибди. Муштлари сикилган. У Мэлснинг устига ташланишдан зўрға ўзини тутиб турибди.

– У сенга хам ёқади-ку? Кўзларим кўр эмас-ку! Бор, уйлан! Кўркма, сенга рад жавоби беришмайди. Ҳа! Нега ўтирибсан? Бор!

Бахтиёр аста ўрнидан туриб, ранглари окарган Мэлснинг устига бостириб борди...

МУҲИДДИН ҚЎРБОШИ

(Ўтмишдан бир саҳифа)

Ва Бахтиёр Хотиранинг олдига йўл олди.

У хаяжонини боса олмасдан таниш дарвоза олдида узоқ туриб колди. Ўтиб бораётганлар унга кизикиш билан қараётганларини сезганидан кейингина киришга қарор килди. У ҳовлини кесиб ўтиб, уйнинг ярми очик эшигига келди. Олға бир қадам ҳам боса олмаслигини сезиб тўхтади.

Уйдан бир эркакнинг каттиқ, қаҳрли овози эшитилди:

– Эшиятсанми, Замира! У энди қайтиб келмайди! Сен улар бизга ўхшаганларни нима қилишларини биласанми? Сен ҳали ёшсан. Бунинг устига қизинг ҳакида ўйла. Уни нималар кутяпти? Ё унга ёмонликнираво кўрасанми? Сен билан қизингга комсомоллар ҳужум қилиб, паранжиларингни юлиб олганлари, кўйлакларингни пора-пора қилиб йиртиб ташлаганлари озлик қилдими? Қизинг комсомолнинг хотини бўлишини истайсанми? Барча хоҳлаганларнинг хоҳишини қондиришига розимисан? Тўшама бўлишини-я? Сен уларнинг хотинларини умумий деб эълон қилганларини унудингми?

Ҳовлига уятдан қизариб кетган Хотира отилиб чиқди. У тасодифан тўппа-тўғри Бахтиёрнинг оғушига келиб урилди.

Қаттиқ уялди.

– Бахтиёр?!

Ва йиғлаб юборди.

Уйдаги эркак эса ҳамон қутурмокда эди:

– Зудлик билан ҳамма қимматбаҳо нарсаларингни йиғ! Пулларни, жавохирларни, олтинни, кумушни! Ну-

Виктор Сумин

риддиннинг яширин хазинаси қаерда? Бугун кечаси ғойиб бўламиз? Хотира қани? Хотира?

– Бу Мухиддин амаким, – шоша-пиша шивирлади Хотира. – Отамнинг кичик иниси. У – кўрбоши. Бизларни Афғонистонга олиб кетмокчи!

– Сен бу ёқдамидинг, фохиша! – уйдан ғазабдан юзлари кўкариб кетган амакиси отилиб чиқди. – Мен сенга нима деган эдим, Замира? Мана, комсомол ҳам хозиру нозир бўлибди!

У этигининг кўнжидан камчисини олиб, Хотира-нинг елкасига устма-уст ура бошлади.

– Ура кўрма! – кўрбошининг кўлинин ушлашга уринди Бахтиёр.

Аммо амакиси Хотирани улоктириб ташлаб, юзларини кўллари билан тўсган Бахтиёрни савалай кетди. Уни оёғидан чалиб, тепиб-тепиб дарвозадан ташкарига итариб ташлади.

Онасининг оғушида Хотира дағ-дағ титрайди.

Бахтиёрнинг орқасидан дарвоза қарсиллаб ёпилди. У тупрокка белангандан холда ўрнидан туриб, тахталари темир билан копланган дарвозани муштлари билан ура бошлади.

– Оч! Ярамас! Дархол оч!

– Йўкол, хароми! Отиб ташламасимдан олдин корангни ўчир!

Икки эркак югуриб келиб, Бахтиёрнинг билакларидан тутдилар ва балодан йирокқа олиб кетдилар...

ЧОРАСИНИ ТОПГАН ЕТАР МУРОДГА

Қамоқ камерасининг темир эшиги тараклаб очилди. Ухлаётган Мэлс ўрнидан сапчиб туриб, атрофга тикилди. Косасидан чикиб кетай деган кўзлари Бахтиёрга тушди:

– Қаердаман? Эх, дарвоқ! Узок ухладимми?
– Бир кеча-ю бир кундуз. Балки ундан ҳам кўпроқ! –
жавоб берди Бахтиёр.

Икки соқчидан бири кириб полга – устига корамтири
обинон ёпилган сопол қўзани қўйди. Иккинчиси бир
қўлини тўппончасининг ғилофига қўйганча эшикнинг
олдida қолди.

– Бизларни не учун чақиришмаяпти? – сўради Мэлс.
Соқчилар бир-бирига қараб қўйишли. Эшик ёни-
дагиси бир кадам ортга чекиниб, дахлизнинг икки то-
монига қўз тиккач, биринчисига бош ирғади. У Мэлс
томонга усталик билан қўл чўзиб, бармокларини кир-
силлатди.

– Хабарингиз бор, ҳамма нарсамизни тортиб олиш-
ган, – деди Бахтиёр. – Кейин ҳисоб-китоб қиласиз, ал-
дамаймиз.

Соқчилар яна бир-бирига қараб олишли.
– Кобулга хабар беришли. Катта бошлиқларнинг ке-
лишини кутишяпти. Келганларидан сўнг сизлар билан
шуғулланишади.

Соқчи чиқиб, эшикни ёпганида у янада каттиқрок
тараклаб кетди.

Бахтиёр обинонни синдириди, ярмини Мэлсга узат-
ди. Кувшиндаги чойдан навбатма-навбат хўплаб, нон
ейишга киришдилар.

– Бахтиёр, – ўртадаги жимликни бузди Мэлс. – Бизлар
бир-биrimизни жуда яхши биламиз. Барибир саккиз
йил – катта муддат. Ҳар биrimиз бу учрашувга қай йў-
синда келганимизни билганимиз маъқул. Олдимизда уму-
мий ишлар кўндаланг турибди. Сен қандай фикрдасан?

Бахтиёр жим қолди.
– Хоҳлайсанми, мендан бошлаймиз... Сен хорижга
қочиб кетганингдан кейин мен партияга кирдим, – ҳи-

коя килаётіб Мэлс Бахтиёрға синовчан нигох ташлади. – Партия ишига йўллашди. Юкорига қараб интилдим. Партияга билимли одамлар жуда керак эди. Шунинг учун яхши мартабаларни кўзлашим аник эди. Шахар партия қўмитаси аппаратида нуфузли лавозимга кўтарилидим. Харакатдаги армияга чакиришди. Худди ўша пайтлари армиядан сон-саноксиз ҳалқ душманларини фош килишди. Энг юкорисидан бошлаб то... Хулласи қалом, сиёсий комиссарлар тайёрлайдиган олий курсга юборишиди. Собиқ политрукларнинг асосий кисмини кириб юборгандаридан кейин янгилари керак эди-да.

Яхшигина кўтарилидим: рота, батальон, кейин полк комиссари бўлдим... Кейин уруш. Белоруссияда қуршовга тушиб колдим. Қулай пайт келганини англаб етдим. Ўнғай вазиятни кутдим. Бир гал машинани портлатдик. Унда ССнинг каттакон амалдори бор экан. Энг юкоригача алокалари бор бўлган қизиқ одам. Ўрни келганда ўша нусха билан бирга полк байроғи ва полк ҳужжатларини олиб немисларга ўтиб кетдим. Кейин-чи? Уларнинг ибораси билан айтганда, чорасини топган етди муродга. Туркистон легиони, яъни лашкарини тузишда иштирок этдим. Вали Қаюмхоннинг назарига тушдим. Ва мана, ёнингда ўтирибман...

Мэлс истехзоли кулги билан Бахтиёрға бўқди.

– Сен қайси йиллари партия муассасаларида ишландинг?

– Ўттиз саккизинчи-ўттиз тўққизинчи йилларда, бир ярим йилча ишладим.

– Ва шундай юкори лавозимда ишлаган одам Фитрат домланинг кисмати ҳақида ҳеч нарса билмаслиги мумкинми?

ФИТРАТНИНГ ҚАМОҚҚА ОЛИНИШИ

(Ўтмисидан бир саҳифа)

Бутун журнал жамоаси жам. Таниш чехралар – уларнинг барчаси Фитрат бошқараётган адабий тўгарак аъзолари. Устозни кутишяпти.

Кўркиб кетган, соchlари ёйилган бир киз чопиб кирди. Оғир-оғир нафас олиб, бидирлади:

– Фитрат домланинг уйида тинтув ўтказишяпти!

Ва ҳаммаси бирдек чопиб чикишди. Ҳаллослаб Фитратнинг уйига боришиди.

Уйнинг олдида икки машина – биринчиси маҳбусларга мўлжалланган ёпик, иккинчиси – бортли очик. Қовоғи солинган одамлар иккинчисига тахлам-тахлам китоб, журнал, кўлёзмаларни бепарво улоктиришяпти. Китобларнинг бир кисми ерда сочилиб ётибди. Уларни оёклари билан босиб-янчиб ўтишмокда.

– Улар китобларни нима килишади? – деб сўради бир киз.

– Ёкиб юборишади, – деб жавоб берди Бахтиёр.

Саҳифалардан бир кисми сочилиб, ҳавода сузди. Биттаси Бахтиёрнинг кўкрагига келиб кўнди. У варакни олиб, тўғрилади, текислади ва ўқиди: “Гўзал юлдуз, еримизнинг энг қадрли тувфони...” Бахтиёр варакни кўйнига яширди.

Ўша киз машинанинг бортига чиқиб, чанг босган бир қадимий китобни олишга уринди. Тинтувчилардан бири, Ильенко этиги билан қизнинг кўлларини босиб кетди.

– Вой, – оғриқдан чинқириб юборди қиз. – Бу ахир ҳазрат Алишер Навоий-ку!

– Йўқол! – дея Ильенко уни оёғи билан тепди.

Фитратни олиб чиқдилар. У бошини баланд кўтартган холда мағрур келяпти. Ҳатто соқчиларнинг хатти-харакатида ҳам бу одамга ҳурмат сезилади – улар аллома отган одимларга ҳамкадам бўлишга, енгларидан ушламасликка ҳаракат қиласдилар. Шогирдларига кўзи тушган Фитрат тўхтади, нимтабассум билан ҳазил тариқасида бармокларини лабларига олиб борди. Ўзи “кора карға” деб ном олган ёпик машинага қараб юрди. Тавозе билан унга эшик очдилар. У эгилиб, кабинага кирди ва шошмасдан ўтириб олди. Ўгирилиб, тошдек қотиб колган ёшларга тикилди, яна нимтабассум билан видолашгандек қўл силкиди.

Тўгаракдошлардан бир неча нафари чопиб келишиб, ташвишли оҳангда шивирладилар:

– Чўлпонникида ҳам тинтув ўтказишяпти. Ботуникида ҳам...

Машина юриб кетиши билан ёшлар топталган китоб ва варакларни йиғиб олишга киришдилар...

ТАЪҚИБ ТАМҒАСИ ВА БАХТИЁРНИНГ

ҲИБСГА ОЛИНИШИ

(Ўтмишдан бир саҳифа)

Бахтиёр хиёбондаги ўриндиқда ўтирибди. Кўзлари олдида вараклари ёйилган газета. Каттакон маколанинг устига “Сен кимсан, Бахтиёр Асадов?” деган сарлавҳа қўйилган. Қамчининг зарбидан ҳам қаттиқ иборалар мияни пармалайди: “Муайян давраларда маълум бўлган бу ёш шоир ва насрнависнинг шеър ва очерклари жадидчилик ғояларини очикдан-очик тарғиб қиласди. Асадовнинг барча асарлари буржуа синфи ахлоқи билан суғорилган. Ижодининг бош мағзи шўро ҳукумати-

нинг обрўсини тўкишга қаратилган бўлиб, уни ағдариб ташлашга чақиради. Фитрат, Чўлпон, Ботунинг издоши бўлган бу ижодкор улардан ҳам хавфлироқ бўлиб, комсомол билети ортига бекиниб, ичдан қўпорувчилик фолияти билан шуғулланади...”

Оёкларининг ўзи Бахтиёрни Хотиранинг уйига олиб келди. Лаънати газетани ғижимлаб олган қўли билан дарвозани итарди. Улар енгилгина очилди. Бахтиёр ҳовлига кириб, уй томонга йўл олди.

Кириш эшиги олдида ажин босган қорамтири юзли кампир ўша-ўша ҳолатда, яъни меҳнатда тобланган қўлларини кўкраги устида қўйганича қақкайиб турибди.

Бахтиёр унга савол назари билан термилди.

Кампир индамади. Унинг нигоҳи Бахтиёрнинг устидан қаергадир узок-узокларга қадалган. Охири момолабларини қимтиб-қимтиб деди:

– Улар энди йўқ. Ҳеч ким йўқ. Бутунлай...

Комсомол йиғилиши. Шовқин, қий-чув, ўринлардан бақир-чақирлар. Минбарга чиқкан тиккайган сочли кўзойнакли йигит очилган газетани сермаганича таъқиб остига олинган Бахтиёр Асадовга лаънатлар ёғдирияпти. Раёсатнинг нариги томонидаги табуретка (судланаётганлар курсиси)да Бахтиёр ўтирибди. Унинг қўлида ўша газетанинг буқланган, титилиб кетган сони. Бутун юзи бўйлаб Мухиддин қўрбошининг қамчисидан қолган чандиклар.

– Ҳа, душман ҳар томонлама ҳийлакор, айёр ва хавфлидир! – ўзининг нафратга тўла маъruzасини ниҳоясига етказди “тўрткўз”. – У ҳамма жойга тузоқ қўйиб ташланган. Содда одамларни ўз тўрига турли ҳирсу ҳаваслар орқали туширади. У рухиятимиз учун ов уюштиради. Бахтиёр Асадов камбағал оиласининг фарзанди, гирт

етим, болалар уйининг тарбияланувчиси. Шўро хукумати унга ажойиб маълумот берди, унинг истеъодига ишонч билан қаради. Хўш, у ана шу истеъодини нимага сарфлади? Сиз билан бизнинг ғояларимизни қорлашга. Мен шуни талаб киламанки, ҳар ким, – бармоғи билан дўк урди у. – Ўз ўртоқларига диқкат билан назар солсин! Сабаби Асадов ёлғиз эмас! Биз уни фош қилдик, аммо орамизда писиб ётганлар йўқ эмас. Сафларимизни тозалайлик, азиз ўртоқлар! Ғоявий иблислардан халос бўлайлик!

Гулдурос карсаклар остида “тўрткўз” минбардан на мойишкорона тушиб келди.

Раислик қилувчи қалам билан графинга урди:

– Мэлс Бойзоков сўз сўраяпти!

Мэлс сахнага сакраб чиқди, Бахтиёрга орка ўгириб, минбарга ўтиб кетди.

Залдаги шовқин энг юкори нуктасига чиқди.

– Йўқолсин Мэлс! Бу унинг энг яхши дўсти-ку!

– Уни тинглаб нима киламиз! Иккаласининг тили бир!

– Бизга окловчилар керак эмас!

– Гапира қолсин. Тазарру қилмоқчиидир!

– Фитратнинг думи! Унинг журналида асалари чоп этилган!

– Йўқолсин!

Раислик қилувчи қалам билан графикни каттиқ урди. Юз бераётган воқеани зал тўридан ЧК ходими Ильенко кулимсираган кўйи кузатиб ўтирибди.

Мэлс ҳаяжонини босиб олиш учун узоқ жим қолди. Нихоят бошини кўтариб сўз бошлади:

– Мен Бахтиёр билан болаликдан дўстман...

Залда шовқин, ҳуштакбозлик, таҳқирли хитоблар кучайди.

– Ҳа, болаликдан. Икковимиз ҳам ота-оналаримиздан эрта айрилдик. Болалар уйида ўсдик. Бир ўринда

ухладик, бир косадан таом еб, бир пиёладан чой ичдик. Бирга мактабга катнадик. Намунали ўқувчилар сифатида бизни Туркияга ўқишига юбориши. Бироқ Туркияда ўқишимиз юришмади ва таҳсилни Бокуда давом эттиридик. Мен буни нега алоҳида таъкидлайгман. Гап шундаки, айнан Бокуда биз пантуркизм ва панисломизм ғояларини тарқатаётган мусовотчилар даврасига тушиб қолдик. Хулласи калом, аксишлӯровий...

 Залдаги шовқин, бақирик-чакириклар янада кучайди:

- Мана, гап қаерда!
- Душман эканлиги яққол кўриниб турибди!
- Уларни комсомолдан хайдаш керак!

 Бахтиёрнинг боши ғувиллаб кетди. Кўзларининг олдида доиралар суза бошлади. Айрим сўзларнигина эшитар, аммо мазмунини англаб етмас эди.

Мэлс қўлинини кўтарди, овози дадиллашди, жаранглаб кетди:

– Ҳа, биз ўргимчакнинг уясига тушиб қолган эдик. Уни ақлли ва маккор душман тўқиган эди. Мени алдаганлари ва тўрга туширганларини бирданига англай олмадим. Аммо кейин тушундим. Ва мусовотчилар билан ҳам, жадидлар билан ҳам алоқаларимни бутунлай уздим. Ҳаммаси кимлардир ўйлагандек осон бўлгани йўқ. Фитрат ва гумашталарининг асл мақсадларини англаш учун вақт, ақл-идрок ва улғайиш керак бўлди!..

 Зал нотиқнинг сехрли нутқига берилиб, жим қолди.

 Ильенко маъқуллаб бош ирғади.

 Бахтиёр руҳий исканжани ташлаб, бутун борлиғи билан Мэлсга тикилди.

 – Бахтиёр – бутунлай бошқа гап! У ўта эрта пишди. Унинг феъли эҳтиросли, аммо пинҳоний, яъни ичимдагини топ дейдиган одам. Уни ғоялар шакллантириди. Ҳатто менга, энг яқин дўстига ҳам ҳеч қачон ўз фикрла-

рини очик айтмаган. Шуни жуда-жуда истар эдимки, у ҳам мен ва бошқалар каби алданғанлардан бўлиб чиқсин. Бирок бундай эмас-да. Айнан у мени Бокуда мусовотчиларнинг уясига бошлаб борди. У мени Фитратнинг ташқилотига қўши. У ҳатто ҳалқ душманинг қизига уйланишимни маслаҳат берди. Ўртоклар! Тўғри, мен айборман. Ва сизлардан ўтиниб сўрайман – мени тегишли равишда жазоланглар. Тўғри қабул киласман. Бахтиёр Асадов масаласига келсак... Менинг ишончим комилки, комсомолда унга ўрин йўқ!

Хавони қўллари билан кесган Мэлс минбардан чопиб тушиб кетди. Каттиқ таажжубда қолган зал муайян вакт жим қолди. Кейин хадиксиralган бир карсак, иккинчиси, кейин зал гулдуроқ карсаклардан портлаб кетди...

Бахтиёр яна ўша оғир руҳий ҳолатга қайтган ҳолда “судланувчилар курсиси”да махзун ўтирибди.

Зал талаб киласди:

- Асадов жавоб берсин!
- Айтсин!
- Бахтиёр суд килинсин!

Раислик килувчи унинг тепасида туриб, елкасидан туртяпти:

– Асадов! Сенга нима бўлди? Сен сўзга чикасанми? Айтадиган бирон гапинг борми?

– Менинг собиқ дўстим Мэлс айтган гапларнинг барчаси тўғри. Менинг ишларимга унинг хеч қандай алокаси йўқ. Мен ўзимни хеч нарсада айбдор деб хисобламайман, хеч нарсадан пушаймон ҳам эмасман. Мен – Фитратнинг шогирдиман. Мен ҳар қачон Фитратни ўзимнинг устозим деб хисоблайман. Мен ўз ҳалқи учун шундай фидоий бўлган бошқа бирор одамни билмайман. Мени тақдир у билан учраштирганидан бехад бахтиёрман!

У бир-бир қадам босиб саҳнадан тушди ва бутун зал орқали чикиш эшигига томон юрди...

Кечаси тун кирганидагина Бахтиёр ўз кулбасига қайтди.

Кулбанинг барча қисмида китоблар, қўлёзмалар, алоҳида вараклар бетартиб сочилиб ётибди. Токчалар қўпориб ташланган. Жомадондаги нарсалар полга сочилган. Мэлснинг ўзидан ҳам, нарсаларидан ҳам ному нишон йўқ. Бахтиёр ҳаммасини тушуниб етди: шу боис орқасидан силлик оҳангдаги сўзлар эшигилганида титраб ҳам кўймади:

– Мана, жуда яхши бўлди, ўзинг келганинг. Бизлар то тонггача сени кутиб ўтирамизми, деган хаёлда эдик.

Бу Ильенко эди. Ёнида ҳамрохи ҳам бор. Иккови ҳам бир хил, ўзларига хос тусда кулимсирайдилар.

– Ўзим билан нима олишим мумкин?

– Тиш шчеткаси, совун, алмаштириш учун ички кийим. Устара олишга ижозат йўқ.

– Китоблар-чи?

– Бизда китоблар бор. Яхшигина кутубхона. Классикларнинг тўла асарлар тўплами... – янада кенгрок жилмаяди Ильенко. – Марксизм-ленинизм классикларнинг. Хоҳлаганингча ўки! Фақат терговлардан озод пайтингда, албатта!

Кувноқ амакилар, хайриҳоҳлар-а...

ҲИБСДАН ХАЛОС БЎЛИБ

Мэлс ва Бахтиёр умид билан эшикка термилишади. Темир эшикнинг темир зулфини шақирлади. Фичирлади. Эшик очилди. Кесакида башанг кийинган ағфон кўринди. Унинг орқасида хавфсизлик хизматининг тортичоқ зобити ва икки соқчи турарди.

— Жаноб Асадий, кадрли Бахтиёр! Маъзур тутинг! — афғон қучоғини очиб, Бахтиёр томонга юрди. — Бизларнинг ўта ғайратли тартибот посбонларини кечиринг. Сизнинг бағрикенглигингизга умид қиласман. — У Бахтиёрни бағрига босди. — Бу кишини ранжитадиган англашилмовчиликдан хабар топган заҳоти дархол йўлга тушдим. Энг мухим, кечиктириб бўлмайдиган давлат ишлари ҳам мени тўхтата олмади! — У Бахтиёрдан чекингани билан узатилган қўллар масофасида елкасидан тутган эди. — Нима деяпман ўзи? Зудлик билан бу ердан кетайлик. — У зобитга кайрилди. — Шу кадар хурматли жанобни бу ювинди ўрада саклашга қандай хаддингиз сиғди? Яна бир бора ялинаман, кечиринглар, жаноблар! У Мэлсга диккат билан тикилди.

— Жаноблар, сизларни таниширишга ижозат беринглар, — бирдан эсига тушди Бахтиёрганинг. — Жаноб Анвар Юсуфшоҳ, ташки ишлар вазирлигининг департамент бошлиғи. Жаноб Маъруф Маъруфий. Бизнинг туркиялик меҳмонимиз. Муҳандис ҳамда бир қатор турқ газеталарининг ўз мухбири.

— Ўта мамнунман, — таъзим қилди Мэлс.

— Мен ҳам чин кўнгилдан хурсандман. Умумий дўстларимиз сизларни Кобулда сабрсизлик билан қутишмоқда.

Зобитга факат куйиб-пишиб ҳарсиллаш ва кўзларини жавдиратишдан бошка нарса насиб этмади...

Йўлнинг Кобулгача қолган қисмини автомобилда босиб ўтишар экан, Мэлсни ҳайратга солгани шу бўлдики, рулни Хайрулла бошкараётган эди.

Сўзамол афғон Юсуфшоҳ уларни зериктирмади;

— Кобулда мураккаб вазият ҳукм сурмоқда. Шу жумладан, шоҳ саройида ҳам. — Бу гаплар аслида Мэлсга аталган эди. — Ҳукмрон партия шоҳни шўролар билан яқин муносабатда бўлишга, улар билан имзоланган бар-